



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU DEMOKRATI BOSNE I HERCEGOVINE

Broj: 03-07-6-92/10
Sarajevo, 21. decembar 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke Demokrati Bosne i Hercegovine za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokrati Bosne i Hercegovine nisu ispoštovali odredbe člana 11. stav (3) i stav (4) Zakona o finansiranju političkih stranaka jer finansijski izvještaj nisu popunili u skladu sa Pravilnikom o godišnjim finansijskim izvještajima političkih stranaka i nisu dostavili dodatnu dokumentaciju na zahtjev Centralne izborne komisije BiH.

Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Demokrata Bosne i Hercegovine za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokrati Bosne i Hercegovine u 2009. godini nisu ostvarili nikakav prihod.

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	

U godišnjem finansijskom izvještaju Demokrata Bosne i Hercegovine nisu iskazani rashodi.

2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv stranke je Demokrati BiH.

Politička stranka Demokrati BiH je registrovana kod Kantonalnog suda u Sarajevu pod brojem RF -1293/06 i R-I-2/99 01.06.1999. godine.

Prema podacima navedenim u finansijskom izvještaju za 2009. godinu, sjedište političke stranke je u Sarajevu, ulica Titova br. 28.

Lice ovlašteno za zastupanje stranke je prof. dr. Safet Ćibo, predsjednik stranke.

Lice ovlašteno za podnošenje finansijskih izvještaja za 2009. godinu je Refik Dedović.

Prema podacima iz finansijskog izvještaja, Demokrati BiH nemaju niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokrata BiH za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li su Demokrati BiH u izvještajnom periodu postupali u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja 2006., 2007. i 2008. godinu, nakon kojeg je izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) i stav (4) i člana 12. stav (2) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da Demokrati BiH nisu postupili po preporukama revizije, datim u Izvještaju o pregledu za 2008. godinu, odnosno nisu postupali u skladu sa odredbama člana 11. stav (3) i (4) Zakona o finansiranju političkih stranaka..

5. NALAZI I PREPORUKE

5.1. NALAZI

Stranka je prekršila odredbe člana 11. stav (3) i (4) Zakona o finansiranju političkih stranaka.

- Stranka obrazac 2. (Pregled prometa svih transakcionih računa) godišnjeg finansijskog izvještaja nije popunila u skladu sa članom 11. Pravilnika o godišnjim finansijskim izvještajima političkih stranaka, na taj način stranka je postupila suprotno odredbama člana 11. stav (3) Zakona o finansiranju političkih stranaka.¹ Na pomenutom obrascu nije upisan broj računa, kao ni naziv banke kod koje je otvoren račun.
- Centralna izborna komisija BiH je aktom broj 03-07-3-92/10 od 03.06.2010. i 30.09.2010. godine, koji je Demokratima BiH dostavljen dana 01.10.2010. godine, zatražila od stranke da dostavi sljedeću dokumentaciju i to: popunjen obrazac 2. godišnjeg finansijskog izvještaja, Potvrdu banke o prometu na transakcionom računu kao i podatke o vlasništvu i uslovima korištenja poslovnog prostora u 2009. godini. Stranka nije postupila po zahtjevu, odnosno nije dostavila traženu dokumentaciju, čime je prekršila odredbe člana 11. stav (4) Zakona o finansiranju političkih stranaka.²

¹ Do 31.03. naredne godine političke partije podnose finansijski izvještaj u formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

² Sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.

5.2. PREPORUKE

Preporučuje se Demokratima Bosne i Hercegovine da se pridržavaju odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *da postupaju u skladu sa odredbama člana 11. stav (3) i stav (4) Zakona o finansiranju političkih stranaka, odnosno da finansijske izvještaje podnose Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka te da dostavljaju i podnose i druge izvještaje na zahtjev CIK BiH.*

KOMENTAR

Demokrati Bosne i Hercegovine nisu se očitovali na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2009. godinu koji je stranci dostavljen 23.11.2010. godine.

Mr. Hasida Gušić, šef Službe za reviziju

Nevenko Andan, revizor